



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-278-4/22**
Datum: **05.09.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu Durić Muhameda iz Cazina za izdavanje prethodne vodne saglasnosti za ispuštanje tehnoloških otpadnih voda sa lokacije objekta samouslužne autopraonice na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67. stav 2. Zakona o upravnom postupku („Službene novine Federacije BiH“, broj 2/98, 48/99 i 61/22), donosi

ZAKLJUČAK

Odbacuje se zahtjev Durić Muhameda iz Cazina, za izdavanje prethodne vodne saglasnosti za ispuštanje tehnoloških otpadnih voda sa lokacije objekta samouslužne autopraonice, predviđenog za gradnju u naselju Gnjilavac, područje Grada Cazina, zbog nepotpunosti dokumentacije i smatra se kao da nije niti podnesen.

O b r a z l o ž e n j e

Durić Muhamed obratio se ovoj Agenciji dana 31.05.2022. godine, zahtjevom za izdavanje prethodne vodne saglasnosti za ispuštanje tehnoloških otpadnih voda sa lokacije objekta samouslužne autopraonice, predviđenog za gradnju na zemljištu označenom kao k.č. broj 661/1 i 661/3 K.O. Gnjilavac, naselje Gnjilavac, područje Grada Cazina.

U provedenom postupku, uz zahtjev za izdavanje prethodne vodne saglasnosti, broj: 01/05/22 od 31.05.2022. godine, zaprimljen dana 03.06.2022. godine, dostavljena je i pregledana slijedeća dokumentacija:

- uplatnica upravne pristojbe,
- položajna skica poslovnog objekta samouslužne autopraone, naslovljena na Durić (Hasan) Muhameda, Emira i Amira; urađena od strane Službe za urbanizam, zaštitu okoliša i inspeksijske poslove Grada Cazina pod brojem 04-19-1653/21, dana 01.09.2021. godine (ovjerena kopija),
- izvod iz Izmjena i dopuna urbanističkog plana Grada Cazin 2017-2037 (SL. novine Grada Cazin br.: 1/19); izdan od strane Službe za urbanizam i zaštitu okoliša Grada Cazina pod brojem: 04-19-1653/21, dana 01.09.2021. godine (ovjerena kopija),
- kopija katastarskog plana, Katastarska općina: Gnjilavac, Broj plana: 9; izdana od strane Službe za imovinsko-pravne, geodetske i katastarske poslove Grada Cazina pod UR BROJ: 05-26-15455/2022-1, dana 17.02.2022. godine (ovjerena kopija),
- zemljišnoknjižni izvadak, BROJ: 020-0-NAR-22-002 027, Zemljišnoknjižni uložak broj: 108, Katastarska općina: SP_GNJILOVAC; izdan od strane Zemljišnoknjižnog ureda Općinskog suda u Cazinu dana 31.05.2022. godine,
- rješenje o vodnoj dozvoli, kojim se daje vodna dozvola pravnom licu „BRAĆA DURIĆ“ d.o.o. Cazin, za promet opasnih materija i proizvoda od tih materija koje nakon upotrebe mogu dospjeti u vode i ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u naselju Gnjilavac, grad Cazin, izgrađenog na zemljištu označenom kao k.č. broj 661/2 K.O. Gnjilavac (podaci novog premjera), odnosno k.č. broj: 200/3 K.O. Gnjilavac (podaci starog premjera), grad Cazin; izdano od strane Agencije za vodno područje rijeke Save Sarajevo pod brojem UP-I/25-3-40-530-6/17, dana 26.09.2017. godine,

- lična karta podnosioca zahtjeva (ovjerena kopija).

Nakon uvida u dostavljenu dokumentaciju ova Agencija je obavijestila podnosioca zahtjeva službenim putem, dana 15.06.2022. godine, da je predmetni zahtjev nepotpun te da podnosilac zahtjeva treba da u roku od 30 (trideset) dana, od dana prijema obavijesti, dopuni podnesak zahtjeva sa slijedećom dokumentacijom:

- Studija za izdavanje prethodne vodne saglasnosti izrađena u skladu sa članom 3. i 4. Pravilnika o sadržaju, obliku, uslovima, načinu izdavanja i čuvanja vodnih akata („Službene novine F BiH“, broj: 31/15, 55/19, 41/20 i 63/22).
- Pregledna situacija terena sa ucrtanom lokacijom u razmjeri 1:1000-1:5000,
- Odobrenje operatora javnog gradskog vodovodnog i kanalizacionog sistema, ukoliko se predmetni objekt planira priključiti na isti (posebno navesti uvjete za kanalizaciju).

Podnosilac zahtjeva je upozoren da ukoliko u predviđenom roku ne izvrši traženu dopunu podneska, zahtjev će mu biti odbačen zaključkom protiv kojeg je dopuštena posebna žalba, a sve u skladu sa članom 121. stav (3) Zakona o vodama.

Kako podnosilac zahtjeva u datom roku nije izvršio dopunu podneska zahtjeva, istom je pismenim putem, dana 21.07.2022. godine, proslijeđena urgencija za dopunu podneska zahtjeva po prethodno proslijeđenoj obavijesti, kojom mu se produžava rok za dopunu podneska zahtjeva za još 30 dana, od dana prijema iste.

Obzirom da podnosilac zahtjeva nije dopunio zahtjev u predviđenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama i člana 67. stav 2. Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- Durić (Hasan) Muhamed, Gnjilavac bb, 77 220 Cazin
- AVP Sava – ISV – Vodna knjiga
- Sektor 40 - arhiva
- oglasna ploča AVP Sava